



**REPUBLIKA E SHQIPËRISË**  
**KOMISIONI I PROKURIMIT PUBLIK**

Nr. 2267/2 prot.,

Datë 19.09.2023

**FORMULAR PËR PUBLIKIM**  
**LIDHUR ME ARSYET E SKUALIFIKIMIT NË RASTIN E ANKESAVE PËR**  
**VENDIMIN E VLERËSIMIT/KLASIFIKIMIT PËRFUNDIMTAR**

- Objekt:** Shfuqizimi i vendimit të Komisionit të Vlerësimit të Ofertave për skualifikimin e ofertës të paraqitur nga operatori ekonomik “Euro Mega 2010” SHPK në procedurën e prokurimit “*Procedurë e hapur e thjeshtuar*”, me Nr. REF-76455-07-31-2023, me objekt: “*Blerje artikuj higjeno-sanitare per KESH sh.a*” me fond limit 5.896.285 lekë pa TVSH, zhvilluar me datë 10.08.2023 nga autoriteti kontraktor, Sh.A Korporata Elektroenergjitike Shqiptare Tirane.
- Ankimues:** “Euro Mega 2010” SHPK, me NUIS K91624505A, me adresë: Fshati Ahemtaq, prane firmes Ital Kon, Prezë, Tiranë
- Autoriteti Kontraktor:** Sh.A Korporata Elektroenergjitike Shqiptare Tirane me adresë: Rruga "Viktor Eftimiu", Blloku "Vasil Shanto", Tiranë

Në datën 17.09.2023, pranë Komisionit të Prokurimit Publik, është administruar ankesa me nr. 2267 protokoli dhe me numër ankimi elektronik A/2023/3422 e operatorit ekonomik “Euro Mega 2010” SHPK për procedurën e prokurimit “*Procedurë e hapur e thjeshtuar*”, me Nr. REF-76455-07-31-2023, me objekt: “*Blerje artikuj higjeno-sanitare per KESH sh.a*” me fond limit 5.896.285 lekë pa TVSH, zhvilluar me datë 10.08.2023 nga autoriteti kontraktor, Sh.A Korporata Elektroenergjitike Shqiptare Tirane.

Nga shqyrtimi paraprak i ankesës të sipërcituar, u konstatua se objekti i ankesës lidhet me vendimmarrjen e Komisionit të Vlerësimit të Ofertave mbi skualifikimin e ofertës të paraqitur nga operatori ekonomik ankimues “Euro Mega 2010” SHPK.

Bazuar në nenin 112, pika 4, gërma “b” të ligjit nr. 162/2020 “Për prokurimin publik”, ku parashikohet se: “Në mënyrë që ankesa të bëhet e aksesueshme jo vetëm nga autoriteti ose enti kontraktor, por njëkohësisht edhe nga operatorët ekonomikë të interesuar, KPP-ja publikon:

b) arsyet e skualifikimit në rastin e ankesave për vendimin e vlerësimit/klasifikimit përfundimtar;”, Komisioni i Prokurimit Publik do të publikojë arsyet e skualifikimit që operatori ekonomik ankimes “Euro Mega 2010” SHPK kundërshton me anë të ankesës me nr. 2267 prot.

Konkretisht në ankesë ngrihen pretendime mbi arsyet e skualifikimit si më poshtë vijon:

### **Arsyet e skualifikimit:**

“Oferta ekonomike e paraqitur nga OE Euro Mega 2010 sh.p.k ka rezultuar ofertë anomalisht e ulët. Pas argumentimit të dhënë nga OE dhe pas shqyrtimit dhe vlerësimit ajo nuk është pranuar nga KVO sipas arsyesimit të mëposhtëm: Referuar dokumentacionit të paraqitur vihet re se: Në argumentimin e dhënë Operatori Ekonomik “Euro Mega 2010” sh.p.k është shprehur mbi objektin e veprimtarisë që kryen, mbi çertifikimet e ndryshme dhe mbi kontratat e ngjashme të cilat i ka zbatuar dhe ato të cilat ka në zbatim. Gjithashtu Operatori Ekonomik “Euro Mega 2010” sh.p.k është shprehur se gjendja e lëndës së parë së fabrikës me kodin (LP) të prodhimit të detergjentëve është e deklaruar në Drejtorinë e Përgjithshme të Tatimeve, e fundit e deklaruar në muajin Janar 2022 (Lista e paraqitur datë 11.03.2023). Pas shqyrtimit të dokumentacionit të paraqitur nga Operatori Ekonomik “Euro Mega 2010” sh.p.k, komisioni nxjerr konstatimet si më poshtë: - Në dokumentacionin e paraqitur si kosto përfundimtare të 11 (njëmbëdhjetë) artikujve, çmimet njësi të lëndës së parë në shumicën prej tyre nuk përputhen me ato në listën e deklaruar në Janar 2022 pranë Drejtorisë së Përgjithshme të Tatimeve. (listë - gjendja e artikujve datë 11.03.2023). Kjo në kundërshtim me sa ka deklaruar Operatori Ekonomik “Euro Mega 2010” sh.p.k në argumentimet mbi çmimet. - Për artikujt: Aromatizues për mjedisin spray dhe Sapun Duarsh (I ngurt) (distributor i prodhuesit Dalan) OE “Euro Mega 2010” sh.p.k ka paraqitur Letër bashkëpunimi- Akt Marrëveshje me shoqërinë Geris sh.p.k, e cila është e lidhur në Tiranë në datë 02.05.2023. Objekti i kësaj marrëveshje është furnizimi i mallrave të sipërcituara nga Geris sh.p.k drejt Euro Mega 2010 sh.p.k në rast sukcesi në procedurën e publikuar nga KESH sh.a me objekt “Blerje artikuj higjeno-sanitare për KESH sh.a”, NR.REF - 76455-07-31-2023. Kjo procedurë nga AK KESH sh.a është ngarkuar në SPE në datë 31.07.2023 dhe është publikuar nga APP në SPE në datë 01.08.2023, ndërsa këto dy shoqëri kanë bërë një marrëveshje në datë 02.05.2023, datë kjo në të cilën kjo procedurë nuk ishte publikuar. - Nga dokumentacioni i paraqitur në SPE, Operatori Ekonomik Euro Mega 2010 sh.p.k ka paraqitur raport analizë për sapunin e duarve nga ISHTI. Sipas marrëveshjes së datës 02.05.2023 produktin sapun kjo shoqëri e furnizon nga Geris sh.p.k. Sa më sipër raport analiza duhet të ishte në emër të Geris sh.p.k dhe jo Euro Mega 2010 sh.p.k. - Operatori Ekonomik “Euro Mega 2010” sh.p.k ka paraqitur Letër bashkëpunimi - Akt Marrëveshje me shoqërinë Cosmoplastica sh.p.k e cila është e lidhur në Tiranë në datë 07.08.2023. Marrëveshja nga Furnitori shoqëria Cosmoplastica sh.p.k nuk deklaroi se cili është personi i cili ka firmosur për

*këtë furnitor. - Për artikujt sipas listës së specifikimeve teknike: Nr. 8 - Për artikullin kova për larje dyshemeje nuk jepen të dhënat specifike të cilat të konfirmojnë specifikimit teknike të kërkuara nga AK. Nr. 13 - Letër duarsh rulo, nuk jepen të dhënat specifike të cilat të konfirmojnë specifikimit teknike të kërkuara nga AK. Nr. 29 - Distributor për letër duarsh, nuk jepen të dhënat specifike të cilat të konfirmojnë specifikimit teknike të kërkuara nga AK. Nr. 34 - Qese Mbeturinash 200 lt, nuk jepen të dhënat specifike të cilat të konfirmojnë specifikimit teknike të kërkuara nga AK. - Për sa është paraqitur në dokumentacionin e dorëzuar nga Operatori Ekonomik “Euro Mega 2010” vihet re se: Nuk është paraqitur analizë e detajuar e llogaritjeve të vlerave të ofertuara për çdo artikull; Nuk janë paraqitur specifikime teknike të artikujve që ti jepte mundësinë KVO-së të bënte krahasimin e artikujve të kërkuar me ato të deklaruar në argumentim; Në zbatim në nenin 93 “Oferta anomalisht e ulët”, të Ligjit Nr.162, datë 23.12.2020 “Për prokurimin publik “, bazuar në argumentimin dhe dokumentacionin e paraqitur nga Operatori Ekonomik “Euro Mega 2010” sh.p.k, konstatimeve të bëra, KVO del në përfundimin si më poshtë: Operatori Ekonomik “Euro Mega 2010” sh.p.k ka paraqitur çmime të kostove të produkteve të cilave i prodhon vet, ku vihet re se në shumicën e tyre çmimi njësi i në kartelat e artikujve nuk përputhet me ato në listën e deklaruar në Janar 2022 pranë Drejtorisë së Përgjithshme të Tatimeve. (listë - gjendja e artikujve datë 11.03.2023). Kjo në kundërshtim me sa ka deklaruar Operatori Ekonomik në argumentimet mbi çmimet. Gjithashtu nuk janë paraqitur specifikime teknike të artikujve që ti jepte mundësinë KVO-së të bënte krahasimin e artikujve të kërkuar me ato të deklaruar në argumentim dhe në ofertë. Pas shqyrtimit të infomacionit të paraqitur nga Operatori Ekonomik “Euro Mega 2010” sh.p.k, rezulton se ky dokumentacion nuk është i plotë dhe i saktë për procedurën e kyer. Bazuar në vlerësimin e kryer KVO nuk krijoi bindjen se ajo është e rregullt dhe i saktë në të gjithë elementet e saj, pasi nuk është e argumentuar dhe e dokumentuar me prova shpresore, me sqarime për elementet e veçanta të ofertës, në përputhje me kërkesat e nenit 93 “Oferta anomalisht e ulët”, të Ligjit Nr.162, datë 23.12.2020 “Për prokurimin publik “.*

Publikuar në rregjistrin e ankesave më datë 19.09.2023.

## **KOMISIONI I PROKURIMIT PUBLIK**

**Anëtar**  
**Anila Malaj**

**Anëtar**  
**Kreshnik Ternova**

**Kryetar**  
**Jonaid Myzyri**